



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry for Science, Higher Education and  
Youth**

Broj: 27-04-04- 43302/21  
Sarajevo, 30. 11. 2021. godine

SKUPŠTINA KANTONA SARAJEVO  
n/r Elvedin Okerić, predsjedavajući

**PREDMET:** Odgovor na zastupničko pitanje zastupnice u Skupštini Kantona Sarajevo  
Amre Hasagić, dostavlja se. -  
**VEZA:** Vaš akt broj 01-04-38989-73/21 od 04.11.2021. godine

Na 43. Radnoj sjednici Kantona Sarajevo održanoj dana 22.10.2021.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona Sarajevo, zastupnica u Skupštini Kantona Sarajevo Amra Hasagić, uputila je zastupničko pitanje:

„Upućujem molbu Ministarstvu za visoko obrazovanje, nauku i mlade da mi se dostavi akcioni plan za implementaciju strategije za mlade Kantona Sarajevo?“

**ODGOVOR**

Ministarstvo za nauku, visoko obrazovanje i mlade Kantona Sarajevo kao novoosnovano ministarstvo trenutno je u procesu ažuriranja podataka o stepenu implementacije Strategije, što podrazumijeva, između ostalog, i prikupljanje relevantnih podataka od drugih resornih ministarstava. U tom smislu, ističemo da se Poglavlje 5. Strategije prema mladima Kantona Sarajevo, odnosi na **PROVOĐENJE STRATEGIJE** i definiše nadležnosti, odgovornosti i obaveze resornih ministarstava. U skladu sa Strategijom, obaveza svakog resornog ministarstva bila je da, u skladu sa navedenim strateškim dokumentom izradi akcioni plan u roku od 90 dana od dana



usvajanja Strategije, te detaljnije razradi aktivnosti i mjere resornih ministarstava kao nosioca aktivnosti u postizanju strateških ciljeva.

Ministarstvo za nauku, visoko obrazovanje i mlade Kantona Sarajevo u svom opredjeljenju i fokusu ima interese i potrebe mladih Kantona Sarajevo i poboljšanje njihovog položaja kao jedan od prioriteta u svom radu.

S obzirom da su pomenute aktivnosti ažuriranja podataka u toku, skrećemo pažnju na aktivnosti koje su u skladu sa Strategijom realizovane u periodu od osnivanja Ministarstva za nauku, visoko obrazovanje i mlade:

1)U toku je aktivnost monitoringa i praćenja realizacije mjera. Prva faza evaluacije Strategije provest će se nakon isteka perioda prvog akcionog plana (2019.-2021.), kada je planirano donošenje novih mjera i usklađivanje postojećih. Nakon izvršene evaluacije, stepen implementacije Strategije i akcionih planova će biti prikazan u sveobuhvatnom izvještaju koji će biti prezentiran javnosti.

2)U Ministarstvu za nauku, visoko obrazovanje i mlade od 1.7. 2021. godine zaposlen je viši stručni saradnik za saradnju sa omladinskim sektorom i studentskim organizacijama, čime je popunjen i dio predviđenih kapaciteta Ministarstva, te iskazana spremnost za doprinos poboljšanju položaja mladih u Kantonu Sarajevo. Također, u skladu sa Pravilnikom o unutrašnjoj organizaciji, u proceduri je i popunjavanje radnog mjesta „Viši stručni saradnik za koordiniranje međuresorne saradnje o pitanjima mladih“ čime će se dodatno ojačati kapaciteti Sektora za mlade.

3)Ministarstvo za nauku, visoko obrazovanja i mlade u 2021. godini je pored 100.000.00 KM za projekte mladih izdvojilo i 5.000.00 KM za studentske organizacije. Kroz spomenute Javne pozive sredstva će biti dodijeljena za provedbu projekata iz sedam oblasti koje obuhvata i Strategija prema mladima Kantona Sarajevo 2019 – 2023:

- obrazovanje i nauka mladih;
- rad, zapošljavanje i preduzetništvo;
- socijalna briga mladih;
- zdravstvena zaštita mladih;
- aktivizam mladih- učešće, volontiranje i mobilnost;
- kultura i sport;
- sigurnost mladih.

Za implementaciju Strategije prema mladima u Budžetu Kantona Sarajevo obezbjeđena su sredstva u iznosu od 20.000.00 KM, od čega smo za bezbjedenje prostora za mlade Vijeće mladih Kantona Sarajevo, finansirali u iznosu od 10.000.00 KM

4)Ministarstvo za nauku, visoko obrazovanje i mlade je od formiranja održalo sastanke sa predstavnicima Vijeća mladih Kantona Sarajevo, te predstavnicima Instituta za razvoj mladih KULT, a planirani su i drugi sastanci sa predstavnicima omladinskih udruženja i studentskih organizacija sa ciljem razmjene informacija i koordinacije aktivnosti.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-029,  
Sarajevo, Reisa Džemaludina Čauševića 1



5)Ministarstvo za nauku, visoko obrazovanje i mlade je pokrenulo proces angažovanja volontera u skladu sa Zakonom o volontiranju FBiH. Upućen je zahtjev Ministarstvu pravde kako bi Ministarstvo kao organ uprave, odnosno organizator volontiranja dobilo akreditaciju od Ministarstva pravde za organiziranje dugoročnog volontiranja u skladu sa članom 26. Zakona o volontiranju FBiH. Postupak je u toku.

U smislu prednjeg, naveli smo aktivnosti koje Ministarstvo za nauku, visoko obrazovanje i mlade Kantona Sarajevo poduzima u skladu sa Strategijom za mlade Kantona Sarajevo, ali Akcioni plan za implementaciju strategije za mlade Kantona Sarajevo u pisanoj formi, nismo naslijedili od prethodnika Ministarstva za obrazovanje, nauku i mlade, zbog čega nismo u mogućnosti isti dostaviti. Nakon kapacitiranja u smislu ljudskih resursa i prve faze evaluacije Strategije, za ubuduće, ministarstvo će aktivnosti koje provodi sažeti u predvideni akcioni plan koji ćemo dostaviti zastupnici Amri Hasagić, netom prije donošenja.

S poštovanjem.



Dostaviti:

1. Naslovu
2. Služba za skupštinske poslove Kantona Srajevo
3. Stručna služba Vlade Kantona Sarajevo
4. Zastupnica Amra Hasagić
5. a/a

Pripremila: Jelena Šantić Stefanoska  
Sekretarka Belma Trajkov



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-029,  
Sarajevo, Reisa Džemaludina Čauševića 1

